

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U LUKAVCU
Broj. 126-0-Su-24-000 383
Datum, 12.06.2024. godine

SKUPŠTINA TUZLASKOG KANTONA
Ul. Rose Hadživukovića 1
75000 Tuzla

PREDMET: Izvještaj o radu Općinskog suda u Lukavcu za 2023. godinu - dostavlja se

Poštovani,

Shodno Vašoj Obavijesti, broj 02-02-620-45/23 od 05.06.2024. godine u pogledu informacije o radu Kantonalnog suda u Tuzli i općinskih sudova na Tuzlanskom kantonu za 2023. godinu, dostavljamo Vam detaljan pregled stanja kao i izvještaj Općinskog suda u Lukavcu.

Prema sistematizaciji u 2023. godini Općinski sud u Lukavcu je imao 8 redovnih, 1 dodatnog sudiju uključujući i predsjednicu suda i 2 stručna saradnika, koji su raspoređeni na krivični, parnični, prekršajni i izvršni referat.

Odlukom o imenovanju Visokog sudskog i tužilačkog vijeća Bosne i Hercegovine u aprilu mjesecu imenovana je nova sudija Općinskog suda u Lukavcu Ilvana Muranović a stupila je na dužnost sudije 08.05.2023.godine, te u julu mjesecu Odlukom o imenovanju Visokog sudskog i tužilačkog vijeća Bosne i Hercegovine imenovalo je novog sudiju Mirzu Bašića koji je stupio na dužnost 01.08.2023. godine

Pored sudija i stručnih saradnika, u Općinskom sudu u Lukavcu zaposleno je 5 državnih službenika (od toga jedan rukovodeći državni službenik Šef pisarnice prešao na novo radno mjesto sekretara Općinskog suda u Živinicama i do danas Agencija za državnu službu nije okončala postupak popune upražnjenog radnog mjesta) i 26 namještenika, što predstavlja 74,07% popunjenosti sistematizacije radnih mjesta u Općinskom sudu u Lukavcu. Prema Pravilniku o unutrašnjoj organizaciji i sistematizaciji radnih mjesta u Općinskom sudu u Lukavcu i izmjenama i dopunama Pravilnika, usvojena je sistematizacija od ukupno 54 radna mjesta. Uzimajući u obzir popunjenost drugih sudova na području TK koja je veća, predstavlja ozbiljan problem u radu ovog suda, sa tako nedovoljnim brojem uposlenih, a na osnovu broja nezavršenih predmeta i pored dobre kolektivne norme suda. Iz navedenih razloga bi bilo potrebno dodatno popuniti upražnjena radna mjesta te sistematizovati nova, obzirom na stvarne potrebe rada ovog suda.

Općinski sud u Lukavcu, po navedenoj sistematizaciji, ima formirana tri Odjeljenja, odnosno Građansko odjeljenje, Krivično - prekršajno odjeljenje i Izvršno odjeljenje, shodno članu 16. Pravilnika o unutrašnjem sudskom poslovanju („Službeni glasnik BiH“ broj: 66/12 i 40/14).

Kolektivna norma suda za 2023. godinu, uz izvršeno uvećanje norme za predsjednicu suda i šefove Odjeljenja, iznosi ukupno 116,56 % (kolektivna norma suda za 2022. godinu iznosila je 111,07%). Predsjednica suda Enisa Hankić koja obavlja funkciju predsjednice suda od 04.01.2022. godine imala je normu od **199,48%** u izvještajnom periodu za 2023. godinu računajući da je norma predsjednika suda 50% sudijske norme, a koja je iznosila 97,44%, Fikret Mujkić **124,93%** šef Krivičnog-prekršajnog odjeljenja sa 90% sudijske norme (sudijska norma 112,44%), Emina Burgić Omerdić **108,88%** kao šef Građanskog odjeljenja sa 90% sudijske norme (sudijska norma 96,86%), Igor Iveljić **124,07%** šef Izvršnog odjeljenja do 01.11.2023 (sudijska norma 114,14%), Ilvana Muranović **100,88%** sudija suda od 08.05.2023 i šef Izvršnog odjeljenja od 01.11.2023 (sudijska norma 64,05%), Bojan Đedovac sudija Građanskog odjeljenja imao je normu od **121,59%**, Azra Bojić sudija na izvršnom referatu imala je normu od **99,41%**, Mirza Bašić sudija suda od 01.08.2023 imao je normu

od **105,81%**, te dodatni sudija Miroslav Đulabić sudija Građanskog odjeljenja imao je normu od **105,00%**.

Stručna saradnica Mirsada Alibašić imala je normu od **93,29%** dok je stručna saradnica Amra Islamović imala normu od **98,82%**. Sve sudije sa predsjednicom suda, su imali zadovoljavajuću sudijsku normu. Sagledavajući gore navedene rezultate može se konstatovati, da je zadovoljavajuća kolektivna norma u 2023. godini i to **116,56%**.

Ukupan broj donijeti odluka u sudu za 2023. godinu na koji se može uložiti pravni lijek iznosi 4740, a za 2022. godinu 5167, od toga ukupan broj žalbenih odluka u 2023. godini je iznosio 323, od čega 255 potvrđenih odluka, 32 preinačene odluke, 29 ukinutih odluka, broj djelimično ukinutih odluka iznosi 7, što čini u zbiru 323 odluke ili 92,28 % s tim da imamo u 2023. godini i 1 odluke – odbačen pravni lijek.

Pojedinačno predsjednica suda Enisa Hankić (predsjednica Općinskog suda u Lukavcu od 01.01.2022. godine) u 2023. godini je imala u postupku po žalbi 7 odluka, od toga 7 potvrđenih, sudija Fikret Mujkić u 2023. godini je imao u postupku po žalbi 23 odluke od toga 22 potvrđene, 1 preinačena te 1 odluke - odbačen pravni lijek, sudija Emina Burgić Omerdić u 2023. godini je imala po žalbi 61 odluke od kojih je 48 potvrđenih, 6 preinačenih, 2 ukinute te 5 djelimično ukinutih odluka, sudija Igor Iveljić u 2023. godini je imao po žalbi 31 odluku, od toga 17 potvrđenih, 10 preinačenih odluka, 3 ukinute odluke te 1 djelimično ukinutu odluku, sudija Bojan Đedovac u 2023. godini je imao po žalbi 75 odluka od kojih je 66 potvrđenih, 5 preinačeni te 4 ukinute odluke, sudija Azra Bojić u 2023. godini je imala po žalbi 41 predmeta od kojih je 29 potvrđenih odluka, 4 preinačene te 8 ukinutih odluka, sudija Ilvana Muranović (kao novoimenovani sudija – stupila na dužnost 07.05.2023. godine) u 2023. godini je imala po žalbi 3 odluku, od toga 3 potvrđene odluka, sudija Mirza Bašić koji je stupio na funkciju 01.08.2023. godine u 2023. godini nije imao odluka po žalbi, dodatni sudija Miroslav Đulabić u 2023. godini je imao po žalbi 8 odluka od kojih je 8 potvrđenih. Stručna saradnica Mirsada Alibašić u 2023. godini je imala 9 odluke po žalbi od kojih je 6 potvrđenih te 3 ukinute odluke, stručna saradnica Amara Islamović u 2023. godini je imala 12 odluka po žalbi od toga 11 potvrđenih i 1 preinačena odluka. Iz navedenih podataka može se konstatovati da u postupku po žalbi kvalitet sudski odluka u 2023. godini iznosi 92,28%.

Broj predmeta na kraju 2023. godine iznosi 41.956 predmeta, od čega 37.839 izvršna predmeta i to 1 predmeta 1313 i Kom predmeta 36.526 predmeta. Broj zaprimljenih predmeta u 2023 godini je 8309 i to : krivična 701, parnična 932, prekršajnih predmeta 1398, izvršnih 4983 (I-1052 i Kom 3931 predmeta), vanparničnih predmeta 637 od toga ostavinskih predmeta 497 i 26 predmet sudske uprave. Broj riješenih predmeta u izvještajnom periodu po vrsti predmeta je: 7729 (od toga 4307 izvršnih uključujući i komunalne predmete, 741 krivična, 784 parnična, 1220 prekršajna predmeta, 652 vanparnična predmeta i 25 predmeta sudske uprave). Općinski sud u Lukavcu je zaključno sa 31.12.2022. godine imao neriješenih 40.993 predmeta, a na dan 31.12.2023. godine 41.956, što čini uvećanje od 963 predmeta u odnosu na 2022. godinu.

Ove godine kao i prošle je stavljen akcenat na rješavanje izvršnih predmeta i ažuriranje izvršnog referata, što se u velikoj mjeri i postiglo. Ovaj sud je pored dobre norme koja je iznosila za sve prethodne godine preko 100%, preraspodjelom referata uspio smanjiti broj ne komunalnih predmeta na kraju izvještajnog perioda. Osim toga želim istaći na osnovu navedenih pokazatelja, očito je da ovaj sud nema dovoljan broj namještenika i državnih službenika, uzimajući u obzir broj urađenih predmeta, normu sudija koja je više nego zadovoljavajuća svih ovih godina od formiranja suda i broj neriješenih predmeta sa ostvarenim prilivom.

Općinski sud u Lukavcu je imao obavezu sačinjavanja Plana rješavanja predmeta počev od 01.01.2023. godine u kojem je predviđeno rješavanje 3018 starih predmeta, od čega je riješeno 2572 predmeta, neriješivo je 53 predmet a 393 predmeta je ostalo u radu ili procenat realizacije od 86,75%. Broj riješenih predmeta iz Plana u periodu 01.01.2022 – i mlađi od ukupno 432 predmeta je riješeno 408 ili procentualno 94,44%, u periodu 01.01.2020 - 31.12.2021. godine od ukupno 608 predmeta riješeno je 539 ili procentualno 88,65% a neriješeno 69 predmeta, u periodu 01.01.2018 - 31.12.2019. godine od ukupno 682 predmeta riješeno je 581 ili procentualno 85,19%, a neriješeno 101 predmet, 01.01.2014 - 31.12.2017 godine od ukupno 1046 predmeta je riješeno 888 ili procentualno 84,89% a neriješeno 158 predmeta, za period 01.01.2009 – 31.12.2013. godine od ukupno 188 predmeta riješeno

je 116 ili procentualno 61,70% a neriješeno 72 predmeta i predmeti koji su inicirani 2008. godine i stariji od ukupno 62 predmeta riješeno je 40 ili procentualno 64,52%, a neriješeno 22 predmeta. Navedeni procent realizacije objektivno nije mogao biti znatno veći, obzirom da je u toku godine imenovano dvoje novih sudija koji su ubačeni u Plan za 2023 godinu pa je po mom mišljenju realizacija Plana dobra.

U cilju realizacije navedenog Plana sjednice sudskih Odjeljenja će se održavati i u toku 2024. godine svakog mjeseca, kao i stručni kolegij, na kome će se analizirati učinjeno sa utvrđivanjem načina poboljšanja rezultata rada suda kako na starim predmetima, tako i na preostalim predmetima, a u skladu sa utvrđenim kriterijima. Predsjednica suda će zahtijevati od predsjednika odjeljenja da iznesu plan mjera za rješavanje starih predmeta, te će posebno posvetiti pažnju predmetima koji se više puta pojavljuju u planu rješavanja starih predmeta, s tim da će i ove godine većina sudija biti zadužena izvršnim predmetima u planu kako bi se izvršni referat održao ažurnim, te ujedno smanjio broj neriješenih predmeta, a s kojom intencijom je ovaj sud išao i u 2023. godini.

Trajanje postupka po referatima u ovom sudu u 2023. godini je iznosilo: na izvršnom referatu prosječno trajanje predmeta iznosilo je 1424,35 dana, na krivičnom referatu prosječno trajanje predmeta iznosilo je 90,12 dana, parničnom 221,48 dana, prekršajnom 361,65 dana, vanparničnom 495,96 dana, te predmeti sudske uprave gdje je trajanje postupka prosječno iznosilo 16,76 dana.

Godišnjim planom rada Općinskog suda u Lukavcu za period 2022-2024 smo predvidjeli smanjenje trajanja postupaka po referatima što smo već u većem dijelu plana ispunili. Navedeni parametri koji ukazuju na veliki broj predmeta, je posljedica nedovoljnog broj sudija, navedenih poteškoća u radu, kao i broja neriješenih predmeta na dan 31.12.2023. godine koji je iznosio 41.956 predmeta. Izvršenom dodatnom analizom priliva i rasporeda po referatima pokušat će se učiniti dodatna nastojanja za poboljšanje i povećanje broja riješenih predmeta, pri čemu treba uzeti u obzir da je kolektivna norma suda veoma dobra i iznosi 116,56% kao i prošle godine od 111,07 %, ali zbog velikog priliva, kao i zaostataka iz ranijih godina sud nije mogao uticati na smanjenje trajanja postupaka.

U dijelu zastarjelosti predmeta u 2023. godini je došlo do zastare u 28 prekršajnih predmeta o kojim je upoznata Pravosudna uprava VSTV-a.

U pogledu primjene Smjernica za prevenciju seksualnog i rodno zasnovanog uznemiravanja Općinski sud u Lukavcu je, slijedeći strateške ciljeve za unapređenje rodne ravnopravnosti u ovoj pravosudnoj instituciji, dana 24.05.2022. godine usvojio Plan aktivnosti na provođenju strategije za unapređenje rodne ravnopravnosti u pravosuđu BiH. Nakon usvajanja Plana od strane Visokog sudskog i tužilačkog vijeća dana 14.11.2022. godine Općinski sud u Lukavcu je tokom 2023. godine implementirao aktivnosti predviđene istim aktom. S tim u vezi, u Općinskom sudu u Lukavcu su i u toku 2023. godine provedena anketiranja kako zaposlenih u ovoj pravosudnoj instituciji, tako i korisnika pravosuđa sa ciljem utvrđivanja stanja u ovoj pravosudnoj instituciji na polju rodne ravnopravnosti, rodne diskriminacije te sa ciljem otkrivanja eventualnih slučajeva rodne neravnopravnosti i diskriminacije. Obzirom da je shodno Smjericama za prevenciju seksualnog i rodno zasnovanog uznemiravanja u pravosudnim institucijama u BiH savjetnica za prevenciju seksualnog i rodno zasnovanog uznemiravanja ovog suda u toku 2022. godine održala obaveznu i osnovnu obuku za sve zaposlenike suda na temu „Seksualno i rodno zasnovano uznemiravanje u pravosuđu BiH u toku 2023. godine održani su informacioni i dijaloški sastanci sa zaposlenim u Općinskom sudu u Lukavcu sa ciljem dodatnog informisanja uposlenika o sadržaju smjernica za prevenciju seksualnog i rodno zasnovanog uznemiravanja i značaju njihove primjene u praksi. Također, u svrhu analize stanja unutar ovog suda u pogledu rodno zasnovane ravnopravnosti radna grupa je provela analizu po pitanju spolne zastupljenosti nosioca pravosudnih funkcija, rukovodećih i ostalih radnih mjesta unutar ove pravosudne institucije.

Kako sam stupila na dužnost predsjednice Općinskog suda u Lukavcu dana 04.01.2022. godine, shodno i izloženom programu rada Općinskog suda u Lukavcu za mandatni period 2021./2025., a koji je iznesen i na sjednici Visokog sudskog i tužilačkog vijeća BiH 16.12.2021. godine, u drugoj godini mandata provedene su sljedeće aktivnosti i postignuti dole navedeni rezultati:

U januaru 2023.godine predsjednica suda je donijela Odluku o rasporedu sudija i stručnih saradnika po referatima u Općinskom sudu u Lukavcu, te odluku o rasporedu poslova sudija i stručnih saradnika po sudskim odjeljenjima pri Odjeljenju sudskih poslova u Općinskom Lukavcu za 2023.godinu. Prilikom raspodjele predmeta u Općinskom sudu u Lukavcu je stavljen akcenat na izvršne predmete obzirom na veliki broj istih, a koji su raspoređeni u određenom omjeru na sve sudije ovog suda s ciljem efikasnijeg rješavanja istih, te na taj način smo pokušali smanjiti broj izvršnih predmeta, a što po izvještajima za 2023. godinu smo znatno i uspjeli. Posebno ističem da je u Općinskom sudu u Lukavcu u toku 2022.godine sa sedam sudija u odnosu na 2021. godinu kada je bilo 9 sudija uspio smanjiti broj za 1801 predmet.

Dana 05.01.2023.godine predsjednica suda je na osnovu člana 31.Zakona o sudovima F BiH u vezi sa članom 11. i članom 12. Pravilnika o unutrašnjem sudskom poslovanju sudova donijela Odluku o održavanju Kolegija predsjednice suda i Stručnog kolegija za 2023.godinu.

Dana 16.02.2023.godine Predsjednica suda je objavila Interni poziv za izbor sudije mentora za Krivično-prekršajno, Građansko i Izvršno odjeljenje, nakon čega je utvrđeno da ovaj sud nije imao uvjete da imenuje sudiju mentora, pa je po preporuci i uz podršku Visokog sudskog i tužilačkog vijeća BiH, Općinski sud u Lukavcu se obratio drugim sudovima radi realizacije eksternog mentorstva, gdje je i po stupanju na dužnost novog sudije Mirze Bašića 01.08.2023.godine realizovan postupak eksternog mentorstva, koje mentorstvo novom sudiji je pružio sudija Apelacionog suda u Brko Distriktu Robert Jović.

Pored sudije Bašića, u ovaj sud je u ranijem periodu godine imenovana i sutkinja Ilvana Muranović koja je stupila na dužnost dana 08.05.2023.godine, koja je raspoređena na izvršni i prekršajni referat, dok je sudija Bašić raspoređen na građanski i izvršni referat.

Kako su, u pogledu operativno tehničkog dijela, a radi funkcionalnosti i efikasnijeg rada svih uposlenika, u 2022.godini provedene brojne aktivnosti i donesene određene odluke, u 2023.godini je nastavljeno sa provođenjem istih, kao što su stalna dopuna biblioteke suda stručnom literaturom, ažuriranje Web stranice i redovno objavljivanje sudskih prodaja i sudskih odluka na stranici suda, ažuriranje foldera sudskih odluka koji se nalazi na serveru suda gdje predsjednici sudskih odjeljenja periodično ubacuju odluke radi ujednačavanja sudske prakse, te je nastavlje postupak prijema stranaka kod predsjednice i to na način da se prijem stranaka vrši jednom mjesečno (posljednji četvrtak u mjesecu) o čemu se vodi zapisnik, gdje su stranke su obavezne svoj dolazak prijaviti na portirnici suda ili putem telefona.

Obzirom da je u toku 2023.godine, u Općinskom sudu u Lukavcu, upražnjeno mjesto Šefa pisarnice, to je ovaj sud, nakon dobivanja saglasnosti Vlade TK, dana 24.04.2023.godine uputio Zahtjev Agenciji za državnu službu FBiH, za popunu upražnjenog radnog mjesta državnog službenika putem Javnog konkursa, gdje je nakon provedenog konkursa, po objavljivanju rezultata, uložena žalba na iste, pa se postupak još uvijek nalazi na odlučivanju po žalbi.

Predsjednica Općinskog suda u Lukavcu je 28.04.2023.godine, u okviru obavljanja svojih poslova, sa sudijom krivičnog odjeljenja ovog suda Igorom Iveljićem posjetila Kazneno-popravni zavod Tuzla i obavila razgovore sa pritvorenicima istog, a shodno obavezi predsjednice suda za obilazak pritvorenika, što je evidentirano i u Knjizi evidencije obilazaka pritvorenika ovog suda.

Kako je Općinski sud u Lukavcu uključen u implementaciju modula za evidenciju ličnih podataka (MELP) i Modula za pristup ličnim podacima (MVPV) u pravosudnim institucijama u BiH, koja je počela u martu mjesecu 2022.godine, to su u 2023.godini u okviru implemetacije održane i dvije obuke za uposlenike suda, kao i jedna dodatna obuka za IKT referenta.

Općinski sud u Lukavcu je dana 20.06.2023. godine uputio zahtjev JU Arhivu TK za dobivanje odobrenja za uništenje ili prodaju bezvrijednog registratorskog materijala nastalog u radu Općinskog suda u Lukavcu u periodu od 2013.godine do 2016.godine, kako bi se oslobodio prostor za smještaj arhivske građe za koju nisu protekli rokovi čuvanja. JU Arhiv TK je svojim Rješenjem broj 04/1-1675-3/56 od 13.10.2023. godine, odobrio ovom sudu otpis bezvrijednog registratorskog materijala nastalog u periodu od 2013. do 2016. godine u ukupnoj količini od 30 metara dužine, a koji se može uništiti ili prodati ovlaštenom pravnom licu koje se bavi otkupom papira.

Općinski sud u Lukavcu je dana 30.10.2023.godine zaključio Ugovor o poslovnoj saradnji sa firmom „ECO-STATION“ d.o.o. Tuzla radi otkupa, odvoza i uništenja bezvrijedne arhivske građe, pa je dana 31.10.2023.godine, uz Popis bezvrijednog registratorskog materijala, isti predat navedenoj firmi, koja je dana 13.11.2023.godine obavijestila ovaj sud da je sav preuzeti materijal, u količini od 1.370,00 kg, uništen po svim zakonskim i ekološkim standardima.

Usljed olujnog nevremena dana 19.07.2023. godine na zgradi Općinskog suda u Lukavcu u velikoj mjeri je oštećen krov zgrade zbog pada konstrukcije i limenog krova sa sudne stambene zgrade, gdje su oštećena i službena vozila suda i sudske policije. Predsjednica Općinskog suda u Lukavcu je nakon prestanka oluje poduzela aktivnosti uz saradnju Policijske uprave i Gradskih službi Grada Lukavca, da se obezbijedi objekat i ograniči kretanje vozila i pješaka radi opasnosti od urušavanja. O nastaloj šteti je predsjednica suda dopisom od 21.07.2023.godine obavijestila i resorno Ministarstvo u kojem je postavila zahtjev za sanaciju štete na zgradi suda, gdje je resorno Ministarstvo svojom Odlukom od 15.08.2023.godine i odobrilo novčana sredstva, nakon čega je u toku mjeseca augusta i septembra 2023.godine izvršena sanacija štete na krovu zgrade suda, postavljanjem novih krovnih obloga, te reparacija i krečenje zidova oštećenih usljed prokišnjavanja, prilikom čega je i jedna prostorija u zgradi suda i to čajna kuhinja pregrađena i tako oformljena dodatna kacelarija za potrebe suda.

Općinski sud u Lukavcu je po prijedlogu Ustavnog suda BiH, u oktobru 2023.godine uspostavio elektronski vid komunikacije sa istim u predmetima iz apelacijske nadležnosti Ustavnog suda, na način da je kreirana jedinstvena e-mail adresa ispred Općinskog suda u Lukavcu za svu komunikaciju sa Ustavnim sudom BiH u smislu elektronske razmjene dokumenata.

U toku 2023.godine predsjednica Općinskog suda u Lukavcu je održavala saradnju sa predsjednicima drugih sudova kroz sastanke i to sastanak predsjednika sudova sa područja TK od 07.09.2023.godine u Općinskom sudu u Tuzli gdje su razmatrani i jednoglasno usvojeni dodatni parametri za ocjenjivanje sudija, te sastanak od 08.12.2023.godine u Kantonalnom sudu u Tuzli gdje su razmatrani realizacija Plana rješavanja predmeta za 9 mjeseci 2023. godine i primjena Kriterija za ocjenjivanje sudija.

Pored navedenog u toku protekle godine poduzet je niz značajnih aktivnosti u postupku izgradnje nove zgrade Općinskog suda u Lukavcu, čime će se steći uvjeti za efikasniji i kvalitetniji rad ove pravosudne institucije, a gdje su u budžetu TK za 2023. godinu odobrena novčana sredstva za finansiranje projektne dokumentacije i kupovinu zemljišta. Nastavno na aktivnosti iz 2022.godine, u mjesecu februaru 2023.godini Općinski sud u Lukavcu je ishodovao načelne saglasnosti za priključenje objekta na vodovodnu i kanalizacionu mrežu i na sistem grijanja radi obezbjeđenja toplotne energije, kao i prethodnu elektroenergetsku saglasnost, nakon čega je u mjesecu martu uslijedilo i ishodovanje urbanističke saglasnosti za izgradnju zgrade Općinskog suda u Lukavcu, a što je prethodilo i izradi Projektnog zadatka za izradu Glavnog projekta objekta Općinskog suda u Lukavcu u mjesecu junu 2023.godine. Nakon izrade Projektnog zadatka, poduzete su aktivnosti za nabavku Glavnog projekta, u smislu procesnih aktivnosti i to pokretanja Otvorenog postupka sa tenderskom dokumentacijom za izradu Glavnog projekta sa pratećim Elaboratima (Elaborat o geološko-geomehaničkim istraživanjima i ispitivanjima, Elaborat zaštite na radu i Elaborat zaštite od požara), e-aukcije, te izbora najpovoljnijeg ponuđača i zaključenja Ugovora sa istim o Izradi glavnog projekta sa pratećim elaboratima. Izabrani ponuđač je u saradnji sa svojim poduogovaračem, u mjesecu decembru 2023.godine finalizirao izradu Elaborata o geološko-geomehaničkim istraživanjima i ispitivanjima, te isti dostavio ovom sudu, a koji će biti revidovan zajedno sa završenim Glavnim projektom za izgradnju objekta zgrade sude, gdje je krajnji rok za izradu istog 18.02.2024.godine.

Uporedo sa ishodovanjem sve navedene dokumentacije, Općinski sud u Lukavcu je tokom 2023.godine poduzimao i potrebne aktivnosti za kupoprodaju zemljišta za izgradnju nove zgrade suda. U mjesecu junu je pribavljena procjena predmetne nekretnine od Komisije za procjenu vrijednosti nepokretnosti i prava Grada Lukavca, dok je u mjesecu julu predsjednica suda iskazala namjeru za pristupanje kupovini nekretnine od strane Tuzlanskog kantona prema Gradu Lukavcu, a shodno Zaključku Vlade TK od 20.06.2023.godine, nakon čega je i Gradsko vijeće Grada Lukavca donijelo Odluku o prodaji neizgrađenog građevinskog zemljišta Tuzlanskom kantonu. Vlada TK je u mjesecu novembru 2023.godine donijela Odluku o davanju ovlaštenja ministrici pravosuđa i uprave TK za potpisivanje ugovora o kupoprodaji predmetne nekretnine, kojom Odlukom je za poduzimanje svih drugih radnji i aktivnosti u cilju kupovine predmetne nekretnine i izgradnje nove zgrade Općinskog suda u Lukavcu ovlašten Općinski sud u Lukavcu. Nakon navedenih aktivnosti i pribavljanja mišljenja

o Nacrtu ugovora za kupoprodaju nekretnine od Gradskog pravobranilaštva Grada Lukavca i Kantonalnog pravobranilaštva TK, dana 29.11.2023.godine zaključen je Ugovor o prodaji nekretnine između Grada Lukavca i Tuzlanskog kantona, nakon čega je u mjesecu decembru 2023.godine Općinski sud u Lukavcu kod nadležnih organa proveo postupak uknjižbe u katastarskom operatu i zemljišnoj knjizi, pa je tako na predmetnoj nekretnini za izgradnju zgrade Općinskog suda u Lukavcu, kao vlasnik odnosno posjednik upisan Tuzlanski kanton - za potrebe Općinskog suda u Lukavcu.

Od početka mandata predsjednica suda je inicirala veći broj sastanaka sa predstavnicima Visokog sudskog i tužilačkog vijeća BiH, nadležnog resornog ministarstva, Vladom TK, gradskom upravom grada Lukavca a sve u svrhu sagledavanja realnog stanja i rješavanja pitanja izgradnje nove zgrade suda.

Sve poduzete radnje vezane za novu zgradu suda koordinirane su sa predstavnicima Visokog sudskog i tužilačkog vijeća BiH, Anom Bilić Adrijanić, Rukovodiocem Projekta unapređenja efikasnosti i kvaliteta sudova, Adnanom Balavcem dipl.ing.arh. savjetnikom za strateško planiranje materijalnih resursa ispred VSTV-a i predsjednikom VSTV-a Halilom Lagumdžijom.

Osim navedenog, u Općinskom sudu u Lukavcu su poduzete i aktivnosti za donošenje novog pravilnika o sistematizaciji radnih mjesta u ovom sudu, a koji prijedlog je dana 03.01.2023.godine i upućen resornom Ministarstvu, radi dobijanja saglasnosti za nastavak postupka izmjene pravilnika o sistematizaciji radnih mjesta, te je usaglašena verzija novog pravilnika dostavljena na konačnu saglasnost resornom ministarstvu 03.11.2023. godine.

U narednom periodu a shodno i svim započetim projektima na rješavanju smještajnih kapaciteta Općinskog suda u Lukavcu izvjesno je (pod uslovom obezbjeđenja novčanih sredstava od strane Vlade Tuzlanskog kantona) da će se započeti sa izgradnjom nove zgrade suda što u bitnom predstavlja rješenje u radu ove pravosudne institucije i što ima za zadatak dodatni angažman predsjednice suda.


Predsjednica suda zajedno sa predsjednicima sudskih odjeljenja će i u toku 2024. godine analizirati rad suda na sjednicama kolegija svaki mjesec, a po potrebi i češće. Predsjednica suda će zahtijevati od predsjednika odjeljenja da iznesu plan mjera za rješavanje starih predmeta, a posebno će se posvetiti pažnja predmetima koji se više puta ponavljaju u planu rješavanja starih predmeta kao i predmetima izvršnog postupka, odnosno indicija suda je da se parnični, vanparnični, krivični i prekršajni referati kao ažurni očuvaju u takvom stanju a da se izvršni referat dovede u stanje ažurnost, što je opravdano i očekivati obzirom da će svi predmeti koji su zaprimljeni u sudu sa 31.12.2023. godine a koji po Uputstvu za sačinjavanje Plana ulaze u Plan sudijama ovog suda.

S poštovanjem,

Obradivači

Sekretar suda – Mario Tunjjić *Mario Tunjjić*

IKT referent – Almir Izić *Almir Izić*



PREDSJEDNICA SUDA

Enisa Hankić

Dostaviti:

- Naslovu
- A/A